

Burgundiæ Ducatus.

Regio.
Unde dicta.

Burgundia Du-
catus.
Situs.
Soli fertilitas.
Imperium majo-
rum.

Urbes.

Hæc pro Methodi ratione de Lotaringia sint satis; succedit Burgundiæ Ducatus sive Inferior Burgun-
dia. *Burgundia* nomen a *Burgundionibus*; qui Germaniæ Populi, ex Vandalorum orti sanguine, di-
ctique a *Burgis*, i. præfidiariorum castris ab Almannis (in horum enim Agris violenter in Capellatio,
ubi hodie Palatini Comitris Ditio, confederant) exturbati, sub Theodosio Arcadii Filio, Juniore, ex-
pulsis late Sequanis Eduisque, hanc Veteris Galliæ partem cum Nuithonibus (quorum Tacitus meminit) oc-
cuparunt. Petrus Sancto-Julianus *Burgundiæ* Etymon ab Loco quodam diducit, qui vulgo *Burg-ogne* in Agro
Langrensi. Olim *Regnum*, circa annum *CI*XXXIV, bipartitum in *Ducatum* & *Comitatum* abiit: quorum ille,
versus Occidentem, *Burgundia Inferior* & *Regia*; hic, ad Orientem, *Superior* & *Imperatoria*. De *Ducatu* hac descri-
ptione mihi agitur: De *Comitatu* Descriptione proxima dicitur. *Ducatum* cingunt, qua Oriens est, Rhodano
interfluente, Sabaudia & Burgundiæ Comitatus; qua Meridies, Lugdunense Territorium; ad Occasum legiti-
fimi Nevernensium Borboniorumque occurrunt agri; ad Septentrionem Campania se offert. Hujus ager
planus & soli fertilitate nulli cedens, hic enim certat cum Cerere Bacchus. *Richardus* Comes Augustodu-
nensis vir strenuus, & in re bellica exercitissimus totius Burgundiæ, cis Ararim Dux institutus fuit a Franco-
rum Rege Odone, qui præfuit Ducatui Burgundiæ annis XXXII. Hic Burgundiam *Rudolfo* Filio reliquit,
qui & in Regem Francorum fuit electus, ac successorem habuit in Ducatu, *Hugonem Nigrum* Fratrem. Huic *Odo*
Frater aut Filius (utriusque enim sententiæ autores reperio) successit. Quem sequutus *Henricus* Frater. Qui
fine liberis defuncto: *Robertus* Francorum Rex, Ducatum Burgundiæ ex testamento, ut ajunt, Henrici adeptus
est. Huic successit Filius *Robertus*, Roberto *Hugo* ex Henrico Filio Nepos. Hunc sequutus est *Otho*, hunc *Hugo* II.
Hugonem II, *Odo* Filius. Quem ordine sequuti sunt *Odo* III, *Hugo* IIII, *Robertus* III, *Hugo* V, *Eudo*, *Philippus*.
Quem fine liberis defunctum sequutus est *Joannes* Francorum Rex, cui successit Filius *Philippus* cognomento
Andax a Patre Ducatu Burgundiæ donatus. Patri *Philippo* successit *Joannes* cognomento Intrepidus, atque huic
Philippus Bonus seu *Mutis* Filius. Atque huic *Carolus* ob plurima bella quæ gessit, *Bellatoris* cognomen sortitus.
Post cujus obitum hanc omnem ditionem occupavit *Ludovicus* XI. Metropolis Ducatus *Divio*, *Divionum* Gre-
gorio Turonensi, Gallis *Dijon*. *Divionis* Conditor habetur vulgo, nobis potius Restaurator, Pomætiique Pro-
ductor, Aurelianus Imperator. Nomen ab *Divis*, quibus plurimus ibi fuit cultus, impositum putatur. Hac Vrbe
nihil in Burgundia pulcrius. Sita est in planitie amœnissima, duobus Fluminibus *Suzione* & *Oscara* (*Suson* &
Ouche vernacule) utrimque muros adluentibus: Ille quidem periculossimis Exundationibus Urbem infesta-
re consuevit; hic pisculentus admodum alveo fluit quietiore, Rerum multarum usum subministrare solitus. Mu-
ri ad justam propugnandi magnitudinem in altum sunt educti: Turribus Propugnaculisque nuper exstructis
muniti. Iustitiæ ibi est Tribunal & Parlamenti Sedes: unde veluti ex Sinu, patriæ lura petuntur. Qui in *Majorem*
hujus